

# Bondeposten 1/2020

Informasjonsskriv frå Hjelmeland kommune avdeling plan og forvaltning, nr 1/20.

26. årgang.

Ansvarleg redaktør: Haldis K. Nilsen.

Redaksjon: Torborg Kleppa, Anne Kari Skogerbø, Kristofer Tveiterå.

## Innhaldsoversikt

1 [Utbetaling av produksjonstilskot og RMP 2019](#)

2 [Skogdag i Bjørheimsbyggs](#)

3 [Landbruksmøte](#)

4 [Søknad om produksjonstilskot 2020](#)

5 [Søknad om tilskot til investeringar i beiteområde](#)

6 [Kommunalt tilskot til nydyrking](#)

7 [Forbod mot dyrking av myr?](#)

8 [Nedskalering av mjølkeproduksjon](#)

9 [Regulering av griseproduksjon](#)

10 [SMIL-midlar og NMSK-midlar](#)

11 [IBU-midlar til bygging i tre](#)

12 [Autorisasjon plantevern](#)

13 [Skogsvegar](#)

14 [Hogst og planting 2019](#)

15 [Kommunikasjon og informasjonsskriv](#)

# 1 Utbetaling av produksjonstilskot og RMP 2019

Produksjonstilskot for 2019 blei utbetalt 19. februar. Du skal ha pengane på konto innan fredag 21. februar. Sjekk utbetalinga, og sjå om den stemmer med det du har søkt om! Tilskotssatsane er lik førebels sats for produksjonstilskot.

Har du for eksempel fått avgrensing i areal- og kulturlandskapstilskotet pga. at du selde lite før av 2018 avlinga, og dette skuldast avlingssvikt pga tørken i 2018? Då kan du klage på utbetalinga, og så må ein ta ei ny vurdering av søknaden.

Utbetaling av RMP skjer 12. mars. Utbetalingsbrevet kan bli sendt ut tidlegare, mellom 29.2 og 12.3, slik at du er kjent med kva utbetalinga blir! Sjekk utbetalinga her og. Kommunen har i samband med behandling kanskje målt meir bratt areal (tatt med alt areal innan det arealet søkar disponerer), kulturminne kan vere flytta frå ordning med tilskot til areal til ordning til tilskot pr. gravminne dersom dette er gunstigare for søkar. Ordninga «beiting av verdifulle jordbrukslandskap i innmark» gjeld ikkje til areal i Hjelmeland, sjølv om det går an å teikne i kart hjå oss i denne ordninga. Hjelmeland kommune har difor ikkje godkjent noko areal som ligg i vår kommune i denne ordninga. Her er justerte satsar i nokre ordningar pga. her er søkt om meir enn «budsjettet» i Rogaland. Tilskot til bratt areal, beite av kystlynghei og miljøvennleg spreining er redusert i forhold til førebels sats.

For begge utbetalingane er det 3 veker klagefrist frå du blir gjort kjent med utbetalinga. For RMP er dette sannsynlegvis før sjølve utbetalinga.

## 2 Skogdag i Bjørheimsbyggs

Laurdag 29. februar kl. 11.00-15.00.

Søre Ryfylke skogeigarlag arrangerer skogdag i samarbeid med kommunane Hjelmeland, Strand og Sandnes. Opning ved Fridtjof T. Norland kl. 11. Deretter er det ulike demonstrasjonar, mat og kaffi, trekltring, woodcarwing og natursti med premiar.

Arrangementet er gratis og ope for alle med interesse for skog og natur.

Det er skilta ved RV13, og parkering v/gamle ØB. GPS adresse: Ryfylkevegen 2651.

### 3 Landbruksmøte

Tysdag 24. mars kl. 19.30, Hjelmeland samfunnshus.

Hjelmeland kommune, i samarbeid med landbruksorganisasjonane, inviterer til landbruksmøte som har tema «Klimasmart landbruk».

- Dag Jørund Lønning, professor og rektor i nyskaping og bygdeutvikling ved Høgskulen for grøn utvikling (tidlegare Høgskulen for landbruk og bygdenæringar) held innlegg om regenerativt landbruk
- innlegg av Rasmus Stokkeland, prosjektleiar i "Skogbruk som klimatiltak" i Kystskogbruket
- innlegg av lokale føretak.

[Les meir om møtet i kalenderen på heimesida vår.](#)

Set av datoen.

Velkomen!

## 4 Søknad om produksjonstilskot 2020

Neste søknadsomgang for produksjonstilskot er mars.

- 1. mars er teljedato
- 15. mars er søknadsfrist
- Det er tal dyr du skal søke om denne søknadsomgangen

OBS! Søknad om refusjon for avløysarutgifter 2020.

- Du kan søke refusjon når du søker i oktober.
- Dersom du har utgifter etter søknadsfrist 15. oktober, kan du etterregistrere dei tom 10. januar året etter.

Dette skjer IKKJE automatisk, verken om det er gjennom avløysarlaget eller om du sjølv har arbeidsgjevaransvar og du leverer A-melding mm. Du må sjølv inn og etterregistrere i din søknad om produksjonstilskot. Dersom du søker om å få refundert avløysarutgifter for «tenester kjøpt av andre føretak», hugs at faktura må vere spesifisert på kva som er arbeid og kva som er andre kostnader!! For eksempel slått og rundballing, her må kostnadar delast på kva som er arbeid, og kva som er andre kostnader som maskin, ensileringsmiddel/plast mm. Ved saueklipping er det kostnad pr. sau utan mva du kan få refundert, ikkje kostnad med oppmøte eller liknande.

## 5 Søknad om tilskot til investeringar i beiteområde

- Ordninga gjeld for organiserte beitelag
- Søknadsfrist er 15. mars
- Det kan søkast om bla. tiltak for å gjere drift, tilsyn og sanking lettare.

Eksempel på tiltak er sperregjerde, sanke-og skiljeanlegg, bruer mm. Nytt av året er nasjonal føring for at vel 25% av midlane skal gå til investeringar knytt til ny teknologi. Det kan og gis tilskot til sankehytter. Fylkesmannen har likevel sagt at pga. her er lite midlar til rådvelde, har ein vore restriktive til tildeling til blant anna sankehytte og nye elektroniske anordningar.

## 6 Kommunalt tilskot til nydyrking

Kommunen løyver også i 2020 kommunalt tilskot til nydyrking.

Formannskapet og kommunestyret har 20.02.19 vedteke retningslinjer for kommunalt tilskot til nydyrking. Ordninga vart vidareført i budsjettvedtaket for 2020.

Det er utarbeida elektronisk søknadsskjema som du skal bruke.

Brukar du dette skjemaet får kommunen dei opplysningane me treng for å kunne behandle søknaden. Budsjettrama for 2020 er kr 200 000,-.

Hjelmeland kommune har følgjande retningslinjer/vilkår for tilskotet:

- Søkar må ha fått godkjent plan for nydyrking før ein kan søkje om kommunalt tilskot til dyrking, eller ein kan søkje om begge delar samtidig.
- Ein må søke tilskot før nydyrkinga tek til.
- Arbeidsfristen er 3 år frå vedtak, eller tilsvarende fristen for gjennomføringa av dyrkinga.
- Produksjonen til søkar må vere så stor at søkar står i MVA-registeret.
- Ingen søknadsfrist, søknadane vert behandla fortløpande når dei kjem inn. Søkar får tilsendt melding om vedtak. Når tilskotspotten er tom, vert her ikkje gjort fleire vedtak.
- Ein kan ikkje søke tilskot til meir enn 20 da pr. år.
- Søkarar som har dyrkingsprosjekt som er større enn 20 da, kan bare søke tilskot til 20 da pr. år. Dersom ein vil søke tilskot til resten av feltet, må her sendast inn ny søknad året etter, og arbeidet med feltet utover 20 da må ikkje vere påbegynt før ein søker tilskot att.
- Tilskotet utgjør inntil kr 2 000,- pr. da ferdig dyrka areal, inntil 20 da pr. år.
- Det vert gitt tilskot til dyrking av areal til jordbruksproduksjon. (Det vert ikkje gitt tilskot til skogbruksproduksjon for eksempel juletre.)
- Det vert gitt tilskot til fulldyrking og overflatedyrking slik at arealet kan haustast maskinelt/rasjonelt, ikkje til areal som kunn kan nyttast som beite.
- Utbetaling av tilskotet kan gjerast når kommunen har godkjent ved synfaring at arealet er ferdig dyrka, og arealet er sett i produksjon; dvs. i desse tilfella at arealet er isådd eller planta.

## 7 Forbod mot dyrking av myr?

Norsk Landbruksrådgiving Rogaland har vore i kontakt med Fylkesmannen i Rogaland, og dei seier: Stortinget har vedtatt forbod mot dyrking av myr.

Men: Forbodet er ikkje lagt inn i noko forskrift enda, så det er framleis mulig å søkje om å få dyrka myr.

Med myr meiner ein areal som har meir enn 30 cm tjukt lag av organisk materiale.



## 8 Nedskalering av mjølkeproduksjon

Protokoll frå møte mellom staten og Norges Bondelag 16. oktober 2019

I jordbruksoppgjeret 2019 blei partane einige om å gjennomføra ein prosess for å utarbeida eit opplegg for korleis ein skal gjennomføra nedskaleringa av mjølkeproduksjonen. Partane vart einige om å gjennomføre nedskaleringa ved bruk av forholdstalet på disponibel kvote og oppkjøp av mjølkekvotar. Det var og einigheit om at produksjonsregionane sin del av grunnkvote skulle vidareførast om lag på dagens nivå. Partane er einige om å gjennomføre en midlertidig oppkjøpsordning med sikte på å kjøpe ut 40 mill. liter kvote. Resten av nedskaleringa skal gjennomførast med forholdstall for all disponibel kvote.

### Kvoteåret 2020

- Mjølke marknaden vert regulert med forholdstal på disponibel kvote etter ordinær prosess.

### Kvoteåret 2021

For kvoteåret 2021 er det etablert ein midlertidig oppkjøpsordning med sikte på å kjøpe ut 40 mill. liter kvote. Resterende behov for nedskalering tas gjennom forholdstalet på disponibel kvote og vedtatt i den ordinære kvotedrøftinga i november/desember 2020.

### Midlertidig oppkjøpsordning

- Målet er å kjøpe opp 40 mill. liter fordelt ut frå produksjonsregionen sin del av grunnkvote, for å sikra stabilitet i regional fordeling av mjølkeproduksjonen.
- Innmelding av sal skjer frå 2. januar 2020. I kvar region gjeld ordninga til regionen sitt fastsette oppkjøpsvolum er nådd, etter prinsippet "først til mølla".
- Ordninga gjeld maksimalt til 31.mars 2020.

Pris på kvote selt til staten i ekstraordinær oppkjøpsrunde er for Rogaland kr 15,50 pr. liter.

## 9 Regulering av griseproduksjon

Landbruks- og matdepartementet har 17.10.19 fastsett reglar for kor mange avlspurker ein bonde som driv med gris kan slakta pr. år. Ei avlspurke har hatt minst eit kull med grisungar. Grensene gjeld i tillegg til den eksisterande reguleringa om maksimalt 105 innsette avlspurker til ei kvar tid.

### Husdyrkonsesjonsloven

Lov om regulering av svine- og fjørfeproduksjonen (husdyrkonsesjonsloven) er ein strukturlov der formålet er å legge til rette for spreiring av svine- og fjørfeproduksjonen på fleire einingar ved å regulera produksjonsomfanget hjå kvar enkelte produsent.

Produksjonsomfanget blir regulert anten ved å setje grenser for kor mange dyr som kan omsettast og slaktast pr. år (2100 slaktegriser), eller kor mange dyr produsenten kan ha innsett til ei kvar tid (105 purker).

Nå er det og innført grenser for tal utrangerte avlspurker.

Departementet har fastsett følgande grenser for tal utrangerte avlspurker pr. år, gjeldande frå 1. januar 2020:

- Bruksbesetning: 150 avlspurker
- Nav i purkering: 1010 avlspurker
- Foredlingsbesetning: 438 avlspurker
- Formeiringsbesetning: 220 avlspurker

Produsentar som dokumenterer eit høgare tal utrangerte avlspurker i 2017 eller 2018 vil få midlertidig konsesjon i fem år. Søknad om midlertidig konsesjon skal sendast via kommunen, og blir behandla av Fylkesmannen. I samband med søknad må ein opplysa om at ein har plass noko til produksjonen i bygningar på bruket, og har spreieareal nok.

## 10 SMIL-midler og NMSK-midler

Hjelmeland kommune skal revidere den lokale strategien og retningslinjene både for SMILmidlar og NMSK-midler i år. Me har hatt møte med Bondelag, Bonde- og småbrukarlag og Skogeigarlag, så skal revidert strategi og retningslinjer på høyring hjå Fylkesmannen, og endeleg vedtakast av politikarane.

Ein kan bla søke om midlar til skjøtsel av ein del biologisk mangfald, tiltak for å redusere faren for forureining, restaurering av eldre bygg som er typiske frå si tid og lokal byggeskikk m.m. innan SMIL. Innan NMSK er her tilskot til planting, ungsogpleie, drift med taubane, bygging av skogsvegar m.m.

### Har du spørsmål?

- Anne Kari Skogerbø tlf. 40439126, kontaktperson for SMIL-midler
- Kristofer Tveiterå tlf. 40439128, kontaktperson for NMSK-midler

# 11 IBU-midler til bygging i tre

Innovasjon Norge har i 2020, 2021 og 2022 ei ordning med ekstra tilskot for bygg i tre for tradisjonelle landbruksproduksjonar for å stimulera til val av klima- og miljøvennlege byggematerialar.

Ordninga gjeld nytt areal i form av tilbygg eller nybygg. Tre må være hovudmateriale i vegg og takkonstruksjonar.

- Massivtre, laft, sleppluft eller bindingsreisverk i kombinasjon med takstolar, buar, åsar eller andre takløysingar i tre: Inntil 20 % ekstra tilskot avgrensa til kr. 400 000.
- Kombinasjon med andre byggematerialar der tre er hovudmaterialet: Inntil 10 % ekstra tilskot avgrensa til kr 200 000.

Innovasjon Norge vurderer grunnlaget for ekstra tilskot uavhengig av om det er søkt om det eller ikkje.

Det kan ikkje gis ekstra tilskot til bygg for produksjonar som er i strid med nasjonale føringar (for eksempel utviding eller nyetablering av svine- eller eggproduksjon) eller prosjekt som er så lågt prioritert i dei ulike fylka at dei ikkje kan oppnå ordinært investeringstilskot.

Detaljar for prioriteringar i Rogaland i 2020 har me ikkje fått ennå. På landsbasis er det sagt at ein prioriterer; frukt-, grønt- og veksthusnæringa, tørke-og lageranlegg i kornproduksjon, små og mellomstore bruk, mjølkeproduksjon med 15-30 kyr, økologiske produsentar som må gjere større investeringa som følgje av implementeringa av EU sitt økologiregelverk.

## Har du spørsmål om IBU-midler?

- Torborg Klepp tlf. 404 39 123, rådgjevar jordbruk og næring
- Kari Sand tlf. 950 31 190, Bedriftsutvikling i Ytre Ryfylke

## 12 Autorisasjon plantevern

Norsk landbruksrådgiving Rogaland, NLR, pleier arrangere autorisasjonskurs kvar vinter. Nå er stort sett kurssesongen over for denne vinteren. Dersom du har autorisasjon frå før, og treng fornying, er det mogleg å ta nytt kurs og eksamen på nett, på Mattilsynet si nettside.

Gjennomgang av tema og oppgåver tek noko tid, men det gjer det om ein skal ha ein dag på kurs og. På nett kan du ta noko om gongen, lagre og fortsette ein annan dag ved høve. Du må ha gjennomført alle obligatoriske oppgåver før du får tatt eksamen.

## 13 Skogsvegar

Prosjektet «Gode skogsvegløysingar i Rogaland» held fram i 3 nye år f.o.m. 2020. Kristofer Tveiterå held fram i 50 % stilling her, kontorstad Hjelmeland. I tillegg har han fast 50 % som rådgjevar skog i Hjelmeland kommune.

Har du spørsmål om skogsvegar eller anna om skog, så er Kristofer å treffa på telefon 404 39 128.

## 14 Hogst og planting 2019

Innmålt hogstvolum i Hjelmeland 2019 var totalt 16 000 kubikkmeter tømmer (ca 600 dekar hogstareal). Av dette var ca 12% (1900 kubikk) furu og lerk, medan resten var gran. Med eit jamt høgt hogstvolum i kommunen burde planteaktiviteten vore tilsvarande. I 2019 blei det bare planta 120 dekar i Hjelmeland kommune. Ut frå hogst- og planteaktivitet ca siste 10 åra er det eit etterslep på planteaktiviteten. Det vil vera nødvendig med mykje meir planting for å oppretthalde skogproduksjonen ein har i dag, der ein i prinsippet har ei avskoging i Hjelmeland.

## **15 Kommunikasjon og informasjonsskriv**

Hjelmeland kommune sender ut «Bondepост» ca eit par gonger i året. Til no har me sendt pr. e-post til dei mottakarane som me har e-postadresse til, og pr post til resterande. Får du ikkje «Bondepостen» på e-post, men har ei e-postadresse du brukar, så gi beskjed til Anne Kari Skogerbø om denne adressa. Då får du fleire nyhende og påminningar, og det er enklare for kommunen å få gitt beskjedar fortløpande.

## **Facebook - Hjelmeland kommune - landbruk**

Elles legg me ut meldingar om søknadsfristar, ulike ordningar, kurs, studieturar og anna på Facebooksida. Du kan gå inn og kikke på nyheiter her, sjølv om du ikkje er «medlem» på Facebook til vanleg. Det er difor ei side som er open for alle.